

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Caput 20. Quomodo illam sibi Christus Dominus desponsavetit, dando illi
pretiosissima cimelia, & postea compleverit despositionem annulo
admodum mystico, coram sanctissima Virgine & S. Josepho, ac ...

urn:nbn:de:hbz:466:1-38580

C A P U T X X.

Quomodo illam sibi Christus Dominus desponsaverit, dando illi pretiosissima cimelia, & postea compleverit desponsationem annulo admodum mystico, coram Sanctissima Virgine, & Sancto Josepho, ac multis Angelis: nec non de admirandis rebus, quæ tunc evenerunt.

§. I.

Inter insignes gratias, quas DEUS confert animabus, dum justificantur, una est prestantissima, quod ipsas assumat in suas sponsas, desponsando illas (quemadmodum ajunt Prophetæ) sibi per suam misericordiam, unione charitatis ac amoris. Et quamvis hoc prestat spiritualiter ac invisibiliter omnibus illis, qua fruuntur ipsius gratia & amicitia; tamen quibusdam magis electis, & quæ magis profecerunt in sanctitate, ita id ipsum concedit, ut ab ijs lumine cœlesti collustratis, agnoscat ut modo admirabili & arcano, qui replete cor delicis, permovetque ad agendas infinitas gratias bonitati & charitati DEI, quod talia agat cum suis creaturis: cui quidem placuit demonstrare manifestius immensitatem sue bonitatis in ijs, que fecit Mariana de Escobar, ut patebit ex eo, quod sequitur, & contigit anno 1598. cum numeraret quadriginta quatuor annos sue etatis.

Dum, inquit, aliquando manè orarem, amando DEUM omnibus meis viribus, vidi oculis animæ adesse sanctos quosdam speciosissimos Angelos, qui veluti negotiosi colligebant & componebant multa cimelia pretiosissima. Angelus autem meus Custos, majorem præferens solitudinē & lætitiam colligebat, & accipiebat ab alijs sanctis Angelis, quæ ipsi collegerant. Ego obstupescbam a spicio hæc omnia, neque intelligendo, qualia essent illa cimelia, vel quem in finem colligerentur. Tum mihi dixerunt Angelii, ea colligi pro die desponsationis meæ animæ. Extimui, & mirata sum, quod audiveram, de eoque cogitans transfigi biduum, quo clapo, manè mihi in mea collectione dixit Dominus:

Hodie est dies, quo mihi desponsabo tuam animam, quæ desponsatio nunc perageatur, quando ad me venies, mæque sumes in Venerabili Sacramento: atque ab Hodierno die, quo tua anima à me suscepere ista gratiam, & favorem, diabolus te non audiet, sicut erat solitus, vexare in spiritu, quod fecit præteritis diebus. Audivi, quod mihi à Divina Majestate diebatur, plena stupore, ignorans, quid illi responderem, & statim me contuli ad templū, ubi, postquam me aliquamdiu more consueto collegilsem, ivi ad sumendum Christum Dominum, atque cum procubuisse in genua super gradus altaris, venit Sanctus meus Angelus Custos, cum alijs sanctis Angelis, valde hilaris, & adstantibus nonnullis sanctis Cœlitibus, injecit in meum collum omnia illa elegantia ac pretiosa monilia, quæ anteà me vidente collegerat, & accepterat ab alijs Angelis. Dum autem essem ita exornata, venit Christus JESUS Dominus noster in Sacra Hostia, cumque ipsum susciperet ex manu Sacerdotis, mea anima sensit, quandam Divinam ac insolitam unionem, cum suo dulcissimo Sponso & Domino, adeò ut mihi visa fuerim ab illo immutata, penitusque transformata ex ea hora, ac idcirco non agnoscerem me ipsam, id quod sepe dicebam meo Confessario. Retinui illas pretiosas gemmas & monilia toto eo die, cum magno mæ animæ solatio; deinde vero mihi fuerunt ablata, & observata, me non vidente, neque advertente aliud, quām quod ea possideret meus sanctus Angelus Custos: illa tamen mirabilis mutatio semper perseveravit, quia per hanc spiritualem, Divinam & mysticam desponsationem, obtinui quadam tenus verecundum quoddam & humile dominium, ad eum modum, quo posset

evadere in Dominam quæpiam fæmina, vilis conditionis, quæ nupsisset magnō Principi vel Regi. Hæc si esset mulier prudens, agnosceret animo demississimo magnam gratiam, sibi ab illo Rege prestatam: alioquin tamen unā necessariō, & magno cum solatio potiretur dominio, quod ipsi ideo, quia illam sibi desponsavisset tantus Dominus, fuisset collatum. Unde ex eo tempore deinceps mirum erat, quod me ingenti perfundebam rubore, & pudefaciebat videre sanctos Angelos, quando me dignabantur invisiere, jubente Domino, mihique assistebant alicuius obsequij causa, sibi ab illo injuncti, quomodo mihi assisterent & gratificarentur: quia id præstabant cum magna solicitudine, & quadam quasi reverentia, ut me ipsam puderet, & magnopere verecundarer; videbantur enim non coram vili ac tam abjecta & miserabiliter versari creatura, quāsum sum ego, sed qualiter se gerere possent cōram quapiam aliā, que aliquā posset ratione mereri nōmen Domini ac Sponsæ JESU Christi.

Consequuta sum similiter ex hac tanta gratia, magnam animæ libertatem, ut non metuerem diabolum, ac molestiam, quā me in spiritu solitus erat afficere. Nam etsi me semper fuerit persequens, non tamen illis timoribus, ac terriculamentis spiritū, uti consueverat; immo videbatur ab eo tempore diabolus me timere, ac revereri: unde intellexi promissum Domini, quo mihi id fuerat pollicitus. Obtinui præterea quandam humilem securitatem, ut nihil meticulose reformidarem; sed videretur mihi Dilectus meus Sponsus ac Dominus, sicut potest, ita facturus omnia, ad eum modum, quo magis expedirent, cederentque ad majorēm ipsius gloriam & obsequium. Haec tamen sunt verba istius Famulae DEI, ex quibus dignosciuntur boni effectus hujus singularis Divine visitationis, quae tanta præbent indicia, eam esse veram. Quia genita DEI non sunt vacue, neque vanæ, sed plena veritate, ac maiestate, quas requirerat nomen Sponsæ, tam speciali modo electæ, & representabant meo iudicio illa præiosa monilia, que ipsius collo fuerant imposita. Atque ita, inquit illa, post paucos deinde

dies mihi versanti in mea collectione, dixit Dominus: Mane te conferes ad Beatissimam Virginem Antiquam (est una ex Parochijs Vallisoleti, vicina domui, quam inhabitabat) ubi tibi exhibebo insignem favorem & gratiam, quæ ceder ad tuum magnum solatium & comitnodum, quia ibidem per me, ac meam Matrem præsenteris, & offereris æternō Patri. Hoc auditio, fui summè exhilarata, atque exarsi amore Divinæ Majestatis, & quasi non adverterem quid dicerem, sæpe iterabam: unde mihi hoc? postridie deinde mane mota à Domino, & prorsus immemor, quid contigisset, quodque mihi fuisset dictum, ut me conferrem ad Antiquam, adiui illam: ubi post exactum aliquod tempus in oratione, accessi ad sumendum Christum Dominum, & cum flexissim genua in gradibus altaris, vidi Christum Dominum, ipsiusque sanctissimam Matrem, stiparam Angelis, quæ Domina attollens ad cœlum oculos, & alloquens æternum Patrem, protulit hæc verba, aut his similia, ejusdem sensus: Pater æterne, ac Domine noster, offero tibi nunc deniō hanc famulam & creaturam tuam, oroque te suppli- citer, ut illam abhinc de novo suscipias ad tuum obsequium, ipsamque posthac respicias, & protegas, ac defendas ab ejus hosti- bus specialissimā curā, & auxilio tuae gratiæ. Hanc oblationem Pater æternus suscepit quām promptissimè, ac deinde discessit Beatisima Virgo, valedicendo mihi per amanter, relicto mihi propter cum favorem & misericordiam solatio.

§ II.

A Nno 1611. in estate quinquaginta se- ptemvirorū, aliquot post annis, quandojam egrotabat, ac penè semper affixa erat lectio, voluit Dominus perficere istam despon- sationem, & celebrare quodammodo nuptias spirituales cum mea & admirabili magnifica- centia, id quod referam ipsiusmet verbis non- nibil commis. Quodam die, aut, Stigmatum glorioſi Sancti Francisci, aliquid intellexi ex communicatione quatuor sanctorum Angelorum, qui semper mecum moran-

miorantur, quod mihi Dominus magnam quandam gratiam, & extraordinariam misericordiam esset praestiturus: dicebant enim mihi: Eja, soror, dispone tuum animum, & prepara te pro eo, quod Dominus decernet, ac volet de te facere. Ecce eundum tibi est nobissem ad locum, quo a Domino jussi sumus te ducere. Ego dixi: Ecce ancilla Domini, compleatur in me ipsius amabilissima voluntas. Hoc dico, mea anima est rapta in ecstasim, in qua sum ducta ab illis quatuor sanctis Angelis, valde procul, ut mihi videbatur, a loco in quo fueram. Postquam pervenimus ad locum a DEO decretum, Angeli me constituerunt in eleganti & pulcherissimo templo, cuius laqueare erat ex auro purissimo, parietes & pavimentum pretiosissimum, & jucundum oculis animae, atque in quodam quasi facello primario erat altare, & in eo sedes adeo mirabilis, ut nunquam potuerim intelligere, qualis fuerit, quidve in illa viderim. E regione istius altaris erant tres sedes per quam conspicuæ, in prima & tertia sedebant duæ personæ gravissimæ, quidam vir valde venerabilis, & quedam Regina ac Domina magnæ Majestatis, quæ, cum primum ego ingressa essem per portam templi, surrexerunt ex suis sedibus, iveruntque mihi obviâ, atque dum se inciperent mouere, resonuit in toto templo musica vocum, & instrumentorum, tam stupenda, suavis ac Divina, ut illam nulla lingua verbis possit exprimere. Ego timens, & quasi turbata, propter tantam magnificentiam, quam videbam, me intermiscebam, & adhærebam sanctis Angelis, a quibus ducebar. Cum autem sursum per illos aspicerem, & lustrarem circumquaque templum, vidi innumerabiles Angelos pulcherrimos, qui canebant ac tractabant instrumenta, edebantque illam Divinam musicam, de qua sum loquuta. Idem quatuor Angeli subito appreenderunt mea brachia, duxeruntque me ad eos duos Dominos, qui, ut dixi, mihi occurrerant, & cum essent propè ipsos, prostraverunt se coram illis; ego quoque turbata ac attonita, eò quod videbam tantam majestatem, me prostravi. Il-

nus

N 3

nus autem Majestatis inseruit digito meo
minimo annulum pretiosissimum, & in e-
odem momento abripuit meam animam
in magnam ecstasim, adeò ut cùm incum-
berem genibus, & corpore esse nonnihil
inclinato, caput mihi deciderit ad genu illius
magno Domini, qui statim, apponens
suo ori ianctissimum suum digitum, subla-
tis oculis, dixit quædam verba latina, ex
quibus ego hoc intellexi, quod præceperit
omnibus creaturis, ut essent quietæ ac at-
tentæ, nec me expurgefacerent, néve susci-
tarent meam animam ex illo somno my-
stico. In hoc raptu intellexi tam sublimia
mysteria de attributis & perfectionibus, ac
essentia DEI, deque mysterijs vitæ, ac Pas-
sionis Christi JESU Domini Nostri, ut
non reperiatur lingua, à qua possint ullæ
ratione explicari, eo quod excedant omne
nostrum captum. Taliter mansi consti-
tuta aliquo tempore, quod quantum fue-
rit, ignoro; solùm scio dicere, totum hoc
mysterium duravisse sex, vel septem horis.
Postquam autem redijsem ad me ex hoc
raptu, summè ardebat mea anima amore
istius Domini, & habebam singularem co-
gnitionem de bonitate ipsius ac amplitu-
dine, atque incomprehensibilibus judicijs,
nec non de mea maxima vilitate, & exigu-
itate, ideoque iteratò ac sèpe dicebam intrà
animam meam: *Quis es tu Domine, & quis
sum ego?* quis es tu Domine Majestatis,
potens ac admirabilis in operibus tuis, &
altissimus judicijs, sapiens ac infinitè bonus,
& quæ sum ego pauperrima, debilis & indi-
gna ancilla tua? quod nomen ancillæ ita
mansit infixum meo cordi, eo quod mihi
Dominus exhibuisset hunc tam magnum
& singularem honorem, ut præmera vere-
cundia ac pudore, non potuerim ex meo
corde evellere hæc verba: *Ancilla sum Do-
mini.*

Finito raptu, Dominus Majestatis sur-
exit ex regio throno, in quo ante me sede-
rat, & obvertens dorsum dicto altari, mihi
que impertiens suam sanctissimam be-
nictionem, dicendo ad me: Soror, &
Amica, vale; positâ suâ sacratissimâ manu
dextrâ super humerum meum sinistrum,
quemadmodum etiam fecerat, prius-

quam meo digito insereret illum annu-
lum mysticum, redij cum magna ma-
jestate & comitatu Beatorum Spirituum
ad locum ac thronum, unde descenderat,
quando venit ad peragendum hoc opus:
& ego, quamvis ab initio, quando mihi
sancti Angeli dixerunt, præstandam mihi
à Domino magnam misericordiam, ve-
hementer restiterim, nihilque non egerim
pro ea amolienda, modò videns abeuntem
ac discedentem hunc Dominum, dicebam
illi cum ingenti afflictione ac dolore: Quò
abis Domine Majestatis, & Bonum meum
infinitum? nè me derelinquas, nec me de-
seras in hoc exilio; revertere ad me. Dum
hoc Dominus audiret, viderèque afflicti-
onem meæ animæ, vertens se modicu[m] ad
me, intuensque suis sacratissimis oculis,
dixit mihi: Non abeo, nec discedo à te,
Amica: tecum enim sum, ac maneo. Ex
quibus verbis mea anima cepit non nihil
solatij; statim autem quidam sancti An-
geli occupaverunt locum, qui inter me &
Dominum intercedebat, neque tunc amplius
conspexi Divinam Majestatem. De-
inde Sanctissima Virgo & Sanctus Joseph
me erexerunt è loco, in quo eram prostra-
ta, & Sanctissima Virgo me est amplexata,
ostendens, se singulariter gaudere, propter
illam misericordiam, & gratiam, quam mihi
Dominus præstiterat, & congratulans
mihi unâ cum suo cœlesti Sponso Sancto
Josepho, meisque sanctis Angelis, dixit
mihi: Eja, Amica, tempus est, ut abe-
amus, & reducamus te domum: ego & San-
ctus Josephus, ac sancti Angeli, qui adsum,
te debemus ducere, & comitari. Exoscu-
lata sum eorum pedes, propter gratiam,
quâ me dignabantur, & fui subito occupa-
ta à quadam somno & ecstasi; quando ve-
rò ad me redij, inveni ac adverti me esse in
meo angulo ac lesto, adesseque mihi San-
ctissimam Virginem, ac Sanctum Jose-
phum, & sanctos Angelos. Tum dicessit
à me Sanctissima Virgo, & Sanctus Jose-
phus, ac abiverunt cum comitatu multo-
rum sanctorum Angelorum, ego autem in
meo loco vehementer stupebam, mèque
humiliabam, agens cum DEO de hac mi-
sericordia, quam mihi denuò exhibuerat,
dice-

dicebámque illi: quomodo & quare id ita fecisset, cùni ego sum ipsius ancilla, ac usq; indigna tali gratiâ: & quòd jam sciret Divina Majestas, se alià mihi aliâ occasione præstítisse aliam huic similem gratiam. Et Dominus respondit: Primum, quod ais, bene subsistit: ad secundum autem respondeo; gratiam, tibi tunc à me collatam fuissé diversam ab ista, quam tibi modò conseruo. Quia prior fuit quasi dispositio, & præparatio pro hac, quam tibi nunc præstisti. Dum ita loquerer cum Domino, verti oculos animæ ex Divina ipsius inspiratione, ac vidi quām clarissimè ac singularissimè ab ipso illuminata, in meo dígito illum mysticum annulum, quem ei Divina Majestas inseruerat, quia ipsum hactenus specialiter non videram. Erat combinatus ex particulis purissimi auri, quibus interserebantur aliæ coloris crystallini, & in his erant mysticè expressa præcipua mysteria Passionis Christi JESU Domini Nostri, cum mysterio Sanctissimæ ipsius Incarnationis, omnia verò sculpta coelesti vivacitate, ut illuminarent animam, ac deducerent in eorum cognitionem, atque ad speciale erga illa excitarent affectum. Visio istius annuli in ea forma, duravit multis diebus, sicutque per frequens, ac tam clara, ut quodammodo erubescerem, quòd potita essem tantâ gratiâ; adeoque metuerem, nè illum viderem oculis corporeis (quia nollem, si id DEO placeret, similes visiones, eò quòd non sint admodum secura) ut propterea habuerim aliquot diebus manum coopertam strophio. Hic mysticus annulus quasi penetrabat & ingrediebatur intrâ digitum intortus, ac infixus, palmam versus, magis tamen eminebat in superiori digiti parte. Videbam illum

multis diebus propè semper, deinde non nisi interdum, per intervalla.

§. III.

Hoc est arcanum opus, quod Divina Majestas in sua famula peregit, dignum admiratione. Quis non miretur illud iter ad tam remotum locum, quo significatur, quām esset remota à mundo? elegantissimum illud templum & altare, ubi celebrandæ erant istæ nuptiae, resonante tam Divinâ musicâ tam testibus adeo omni exceptione majoribus, cùm adfuerit etiam Regina Angelorum, Mater Sponsi, & Sanctus Josephus, ejus Sponsus? Eum honorem ipsi ab illis exhibitum dum illi occurrerunt, & ipsam collocaverunt in sede, stipantes illam utrinque tanquam Sponsam sui Filii? Illum adventum ipsum met Christi JESU DEI & Hominis, cum tam illustri comitatu, ad celebrandum hunc actum; & quòd ille ipse inseruerit ejus dígito annulum? Somnum illum tam admirandum dormientis inclinato capite super genu sui dilecti, adjunctis creaturas, nè illam suscitarent, illis verbis Cantorum: Adjuro vos Filiae Jerusalem, nè suscitatis, neque evigilare faciatis dilectum, quoadusque ipsa velit? Visionem illam tantarum rerum in mptu, ita ut dum eo somno dormiret, cor ipsius vigilaret? illum mysticum annulum, cum sua tam coelesti sculptura, plena tam Divinis mysterijs? Ego tamen non minus obstupesco profundam animi demissionem, quam ipsa in his omnibus exhibebat, eò quòd eam quasi puduerit acceptare tantum favorem, quòd dñs, dum dulcis ipsius Sponsus illam compellaret tam admirabili titulo Sponsa, ei firmissime inhæserit nomen ancille, quod mox commemorabimus.

CAPUT XXI.

Quām ipsi firmiter inhæserit affectus Ancillæ Domini, ac de admirandis rebus, quæ evenerunt, concernentes quandam annulum, quem fecit cum hoc titulo Ancillæ, déque nonnullis pœnis, quas subivit, ob leves tum admissas culpas.

Post-